

周氏經絡大全

责任编辑 徐岩春  
封面题签 王荣安  
摄影 孙一星

图书在版编目(CIP)数据

针灸经穴图考/(清)陈惠畴辑. —北京:中医古籍出版社,1996.12  
(中国中医研究院图书馆藏善本丛书)  
ISBN 7-80013-690-6

I. 针… II. 陈… III. 中国医药学—古籍—汇编 W. R2-52

中国版本图书馆CIP数据核字(96)第24092号

中国中医研究院图书馆藏善本丛书

针灸经穴图考 经脉图考 周氏经络大全

中医古籍出版社出版发行(北京东直门内北新仓18号 100700)

全国新华书店经销

北京大兴韩营古籍印刷厂印刷

850×1160毫米 16开 1400页

1996年12月第1版 1996年12月第1次印刷

ISBN 7-80013-690-6/R·686

定价:1380.00元



膀胱經二十五

足太陽脈內皆生。上頰交巔耳角行。直上巔上入絡腦。還出下  
項膊內。征夾脊抵腰循脊入。絡腎屬膀胱。府迎支。從腰中下夾  
脊。貫腎入脰。自分明。上支。從膊左右別。貫胛夾脊。髀樞。停丁。髀  
外。後廉下合脰。貫膈。分外踝。向後伸。循京骨。上小指側。此支紛  
繁。仔細尋。

膀胱盛尿之脬。有下口而無上口。上則漆水入之。以漸而來。  
其脬鬆故水可來。猶地之滲水。有雨則多。無雨則少。而至竭。

若腎水由陰氣生而上舌下，此有本之原泉，不同此例。若下口合精竅行，下當十九椎傍，直腸，故後陰動而前陰興。藏府皆有渴症，一添一滋，各有道也。且上際小腸下口，則膀胱有病，當理小腸。故二太陽同治。〇〇上耳角，二小支止于耳上。正支脈絡腦還出，入中而後出也。絡腎之支下入臍上，当心入散，又出也。貫腎之支，又二小支也。髀內左右貫胛，附分穴之次支也。膀胱夾督脈，双行，固轉督經，然督又有二支，在膀胱經內潛行，是二經同一經也。故治膀胱，即以治督。猶治

胃即治任也

膀胱病二十六

動病衝兮頭痛疾。目脱項拔脊痛極。腰折髀強脰結如。踣裂踝  
厥外邪室。筋所生病痔瘡來。癩狂頭顙項痛出。目黃淚出軌血  
叢項背脰喘痛不吉。足小指兮不能用。盛虛却與小腸律。膀胱  
生病寔主筋。之有病太陽覓。

主筋者太陽之氣。柔以養筋。屬肝木。非水不生。但水適中  
則無恙。不及則木槁。過則溢。逆而傷木。癩狂似不係膀胱。然

膀胱

七十一



水克火陰翳之氣掩陽光也且膀胱為心俞所起而經當心入散也

膀胱藥二十七

胞轉而小便不行是熱煩滿難屈伸藥用清涼通九竅石膠梔子蜜同烹腸氣引腰虛氣疼脚氣筋轉耳重聽磁石五味黃芪配白朮石荊杜仲苓大府熱而腸內塞木通性地黃苓小水熱而莖中痛亭力通草赤苓腎大如斗赤皮楠核小回承胞反如塞葵子滑石寒水平風熱乘而囊腫三百有灵虫蟻吹而胞大

蟬退可清。黃柏滑石下走。羌活藁本上行。補藉橘核益志力。泄  
資滑石車前能。回香烏菴煖。黃柏生地清。要知麻黃桂支。茶仲  
景專治太陽經。更有理氣調肝法。膀胱之症乃通神。百病多屬  
陽為慮。調治乾元易道明。

此經多血、熱須清太陽、但少氣必以辛溫為用、故艾葉干  
姜、仲景以治久血、而外血不止、生姜可以散之、若第以涼血  
為事、是絲塞洪水也。

膀胱穴二十八

膀胱

七十二



六十七穴足太陽。精明內背紅肉藏。攢竹眉冲曲差是。五處求  
寸半上承光。通天絡却玉枕次。天柱後際大筋旁。大抒背部第  
二道。風門肺俞厥陰鄉。心俞督俞膈俞走。肝胆脾胃同一行。焦  
腎氣海大腸死。閑元小腸到膀胱。中膂白環仔細審。各一節外  
寸半量。上膠次膠中膠下。一空至四腰踝當。會陰陽尾骨外取。  
附分夾脊第三行。魄戶膏肓神堂在。諶譚膈閑魂門方。陽綱  
意舍胃倉注。膏門志室及胞肓。二十椎下秩邊止。承扶又上接  
會陽。殷門浮郤委陽下。委中合陽承筋長。承山飛陽附陽穴。



崑崙僕參申脈詳。金門京骨及束骨通谷至陰小指旁。

睛明。一名淚孔。內眥頭一分。手足太陽足陽明陰蹻陽蹻之會。禁灸。凡眼痛取此。故針法一切眼痛刺之。眼科以此為心。雖心經通此。不可專屬。

攢竹。一名始光。一名員柱。一名光明。兩眉頭陷中。禁灸。針此治面動太陽風牽之也。又治癩狂寒風傷陽氣也。今人動曰風癩。陽不勝陰也。

眉冲。直眉頭上。督神庭外。此曲差內下在其間。禁灸。

曲差。督神庭旁一寸五分。入髮際五分。

五處。夾督上星旁一寸五分。入髮際一寸。

承光。五處後一寸五分。入髮際二寸五分。禁灸。針此治

鼻塞不聞香臭。以風寒壅之。而清氣塞也。一云宜治肝。主

疏泄也。

通天。承光後一寸五分。此前頭平百會穴畧前一云平對

百會。針此治鼻病。亦以風寒塞清氣也。

絡却。一名強陽。一名腦蓋。通天後一寸五分。此頭後平百會



穴。暑後一寸五分。治青盲、內障、風寒、濕傷也。

玉枕。絡却後一寸五分。腦戶旁一寸三分。起肉枕骨上。入髮際二寸。

際二寸。

天柱。夾項後髮際大筋外廉陷中。

大杼。項後第一椎下。兩旁相去各一寸五分。一云二寸。下同。

正坐取陷中。督脈別絡。手足太陽少陽之會。骨會也。故肩

能負重。

風門。一名熱府。二椎下兩旁。去脊各一寸五分。正坐取。腎

穴風府入髮際冠所不到受風寒之府也此曰風門在左右  
風由此出入也附分附之風由此入內也故以下六穴主神  
言此傷寒家先主太陽而元家必摩後項仲景多用桂支知  
此經主內外之風寒

肺俞○第三椎下去脊各一寸五分對乳引繩度之以手搭背  
中指末是穴左取右右取左凡喉痛目痛瘧疾龜背俱宜灸  
此

厥陰俞○一名厥俞包絡也四椎下去脊各一寸五分正坐取

心俞。五椎下，去脊各一寸五分，正坐取。以下至白環俞俱如此取。

腎俞。六椎下。以下去脊數同。

膈俞即盲俞。

七椎下，此血會也。以上心下肝皆主血，故膈食治。

此以血不濡也。勞瘵治此以血妄行也。但血未分寒熱虛寒，徒補徒涼皆非法也。崔氏四花穴，上二穴即鬲俞，下二穴即胆俞。此治勞瘵人，或以四花穴斜取，既不預血，何以療病。或云八椎下無穴，斜取亦得，但鬲分上下，此處宜無穴也。再細

為詳之。

肝俞。九椎下。

胆俞。十椎下。胆俞即帶俞，上膠有少陽絡，即帶絡，可見帶

脈不徒左右交于前之任與腎，而與膀胱交于督也，可見治

帶必理膀胱，且上下俞各關藏府，又可知無病不當從太陽

著想也。仲景內外諸方用桂枝最多，亦可以啟悟矣。

脾俞。十一椎下。

胃俞。十二椎下。



三焦俞。十三椎下、  
腎俞。十四椎下、

氣海俞。十五椎下、

大腸俞。十六椎下、

關元俞。十七椎下、  
關元任穴、小腸之募也、

小腸俞。十八椎下、

膀胱俞。十九椎下、

中膂俞。一名脊內俞、二十椎下、夾脊伸起肉、

膀胱

七十二



白環俞。二十一椎下。

上膠。第一空腰踝下一寸，夾脊陷中。足太陽少陽之絡。此下

五穴。从大腸俞發二支。至上膠而下。下膠。一云由白環發二

支。而上入脊旁。大椎下去脊寸五分。附分下去脊三寸。此

下五穴。夾脊骨。凡腰痛多。治此。前人所以用當歸。四逆湯。誤

以為腎虛非也。腎虛腰痛必小腹急。小便不利。

次膠。二空夾脊陷中。

中膠。三空夾脊陷中。足厥陰少陽所結之會。





下髻。四空夾脊陷中。

會陽。一名利机。陰尾尻骨兩旁。治陽虛陰汗久痔。

附分。二椎下。附項內廉兩旁。去脊各三寸。一云三寸五分。正坐取。此下去脊數及取法皆同。此又二支在脊外二行。由

大椎而分。與風門穴畧對。

魄戶。直附分下。三椎兩旁。此肺之神所注也。所以與肺俞並。○有肺俞。又有魄戶。有心俞。又有神堂。不幾贅乎。然俞者氣之所聚也。戶堂門舍室者。神之所宅也。非氣不生。非神無主。